

中華律藏

中華律藏

第三卷

歷代大藏經律部文獻・印度撰述（三）

國家圖書館出版社



三藏聖教序
御製

廿

蓋聞蒼蒼者天列星辰而著象茫茫者地奠川岳以成形仰觀天文既如彼也俯俯地理又若斯焉夫以妙旨幽微名言之路攸絕真如湛寂性相之義都捐然則發覺心靜資法雷之激警將導達衆俟覺首以司方故知假名不壞於常名樂說乃詮於無說至若象外之象獨稱三界之尊天中之天爰著六通之聖法王利見孕育於七十二君梵帝乘時宰範於方八千歲周星圖彩言符降誕之徵漢曰流祥載叶通神之夢故能威揚沙劫化被塵區玉毫舒輝而除昏金口弘宣而導滯破煩惱之賊詎藉于戈壞生死之軍雅憑慧力闢圓明之界廣納於無邊開常樂之門普該於有識縱使浮天欲浪境風息而俄澄漲日情塵法雨霑而便廓廓依者銷殃而致福迴向者去危而獲安可謂魏魏乎其有成功蕩蕩乎而無能名者矣

但四生蠢蠢未悟無常六趣悠悠俱纏有結誰知空花不實水月非堅馳逐於五陰之中播遷於三界之域納諸品彙終俟法門自白馬西來玄言東被世尊則隨類敷演衆生乃逐性開迷馬鳴擅美於瓊編龍樹騰芳於寶偈於是通達度且速布閭閻浮半滿之教區分大小之乘並驚澄安俊德接武於勝場琳連高人駢蹤於法宇遂使微言著範歷千古而暢英聲至蹟流規周十方而騰茂實頃屬後周齊運大扇魔風迷使天下招提咸從毀廢案中法侶並混編氓嗟乎閨寂禪居空留宴坐之慶荒涼蕙苑燕復經行之蹤爰泊開皇重將修建旋逢大業又遇分崩鬼失神吟山鳴海沸既遭塗炭寧有伽藍正法消淪邪見增長於是人迷覺路迴迴於苦集之區俗藏真宗羈絆於蓋纏之內我大唐之有天下也上陵巢燧俯視義軒三聖重光萬邦一統威加有截澤被無垠掩坤絳以還淳巨軌維而獻款再懸佛日重補梵天龍宮將八柱齊

一切有部毗奈耶卷第一 第三張 廿

安就鸞嶺共五峯爭峻大弘
釋教諒屬

皇朝者焉大福先寺翻經三藏法師義淨者范陽人也俗姓張氏五代相韓之後三台仕晉之前朱紫分輝貂蟬合彩高祖為東齊郡守仁風遂扇甘雨隨車化關六條政行十部爰祖及父俱默俗榮放曠一丘逍遙三徑舍和體素養性怡神摘芝秀於東山挹清流於南澗可謂幽尋丹囑據偈白雲聳鶴於是吞聲場駒以之繫影法師幻挺明悟風彰聰敏總輪轉李之歲心樂出家甫過遊洛之年志專西國業該經史學洞古今愍三藏之玄樞明一乘之奧義既而閑居習靜息慮安禪託彼山林遠茲塵累三十有七方遂雅懷以咸亨二年行至廣府發蹤結契數乃十人鼓棹昇航唯存一己巡南溟以遐逝指西域以長駝歷巖岫之千重涉波濤之万里漸屆天竺次至王城佛說法花靈峯尚在如來成道聖躡仍留吠舍城中獻蓋之蹤不泯給孤園內布金之地猶

一切有部毗奈耶卷第一 第三張 廿



存三道寶階居然目觀八大靈塔邈矣親觀所經三十餘國凡歷二十餘載菩提樹下屢攀折以淹留阿耨池邊幾濯纓而澡鑒法師慈悲作室忍辱為衣長齋則一食自資長坐則六時無倦又古來翻譯之者莫不先出梵文後資漢譯據詞方憑於學者於義別章於僧徒今茲法師不然是矣既開五天竺語又詳二諦幽宗譯義綴文咸由於已出指詞定理匪假於傍求超漢代之摩騰跨秦年之羅什所將梵本經近四百部合五十萬頌金剛座真容一鋪舍利三百粒以證聖元年夏五月方屆都焉

則天大聖皇帝出震膺期乘龍紀祐隆為務和濟為心要命百寮急勅四眾紅幡捲日風吹過雲香散六鉢花飄五色鏘鏘濟濟燁燁煌煌迎于上東之門置于授記之寺共于闍三藏及大福先寺主沙門復禮西崇福寺主法藏等翻花嚴經後至大福先寺與天竺三藏實思末多及授記寺主慧表沙門勝莊慈訓等譯根本部律其大德

一切有部毗奈耶卷第一 第三十二

等莫不四禪寂慮六度冥懷懸法鏡於心臺朗戒珠於性海詞林挺秀將覺樹而連芳慧炬揚輝澄桂輪而合彩渾金璞玉諒屬其人誠梵宇之棟梁定法門之龍鳥已翻諸雜經律二百餘卷繕寫云畢尋並進內其餘戒律諸論方俟後詮五篇之教具明八法之因脩曉鶻殊尚護靈命無傷浮囊必取於不虧油鉢終期於靡覆榮聖教之綱紀啓含生之耳目伏願上資先聖長隆 七朝之基下逮微躬恒佐九天之命速懷生於壽域致薄俗於淳源歲時和遠安近肅願以萬機務愍四海事殷受憑乙夜之餘式贊弥天之德課虛扣寂聊題序云根本說一切有部毗奈耶卷第一

三藏法師義淨奉制譯

毗奈耶序

稽首大悲尊能哀愍一切面滿如初日目淨若青蓮佛生調伏眾弟子眾調伏調伏除眾過敬札法中尊佛說三藏教毗奈耶為首我於此教中略言其讚頌如樹根為眾條幹由是生佛說律為本

一切有部毗奈耶卷第一 第三十三

能生諸善法譬如大隄防瀑流不能越戒法亦如是能遊於毀禁諸佛證菩提獨覺身心靜及以阿羅漢咸由律行成三世諸賢聖遠離有為縛皆以律為本能至安隱處若此調伏教安住於世間即是諸如來正法藏不滅戒是能安立如來正法燈離此即便無安隱涅槃路佛遊於世間隨處說經法律教不如是故知難值遇如地載群生能長諸卉木律教亦如是能生諸福智佛說由律教能生眾功德奉持得解脫毀破生惡趣為馬若不調制之以鈎策律教亦如是不調今善順如城有隄塹能禦諸怨敵律教亦如是能防於破戒譬如大海水能漂於死屍律教亦如是能除諸破戒律是法中王諸佛之導首必豈喻商柁此為無價珍破戒逾地毒律如阿伽陀威壯意難調以律為轡勒律於善道處常與作橋梁亦於惡趣海能與為船楫若行於險路戒為善導若昇無畏城以戒為梯登大師寂勝尊親說於律教此三無差別咸應歸命禮佛及聖弟子咸依律教住於戒生恭敬故我歸命禮

一切有部毗奈耶卷第一 第六

我依律讀歎此說應尊重於初首端依吉祥事成就毗奈耶大海涯際森羅知差別相無窮豈我能詳悉大師律教海甚深難可測我今隨自能略讚於少分世尊涅槃時普告諸大眾汝於我滅後咸應尊敬我故我申讚頌欲說毗奈耶耶仁等應至心善聽調伏教

別解脫經難得聞經於無量俱胝劫讀誦受持亦如是如說行者更難遇諸佛出現於世樂演說微妙正法樂僧伽一心同見樂和合俱修勇進樂若見聖人則為樂并與共住亦為樂若不見諸愚癡人是則名為常受樂見具尸羅者為樂若見多聞亦名樂見阿羅漢是為樂由於後有不生故於河津處妙階樂以法降怨戰勝樂證得正慧果生時能除我惱盡為樂若有能為決定意善伏根欲具多聞從少至左屢林中寂靜閑居蘭若樂合十指恭敬禮拜迦師子別解脫調伏我說仁善聽聽已當正行如大仙所說於諸小罪中勇猛亦勤護心為難制止勇決恒相續別解脫如衛有百針極利

一切有部毗奈耶卷第一 第七卷 廿

若人違軌則聞教便能止大才若良馬當出煩惱障若人無此衛亦不曾喜樂彼沒煩惱障迷轉於生死

別攝頌曰

若作不淨行不與取斷人妄說上人法斯皆不共住

不淨行學處第一之一

別攝頌曰

蘇障都無犯苾芻在林中弱質及長根妙喜三智犯書目房中睡閑林離欲人善與普因緣應知須知攝

今時薄伽梵從初證覺於十二年中諸聲聞弟子無有過失未生瘡痂世尊為諸弟子說略別解脫戒經曰一切惡業作一切善應修遍調於自心是則諸佛教護身為善哉能護諸善護意為善哉盡護取為善苾芻護一切能解脫眾苦

善護於口言亦善護於意身莫作諸惡常淨三種業是則能隨順大仙所行道至十三年在佛栗氏國時竭闍錫迦村竭闍錫迦子名獲障那富有資財多諸僕使金銀珍寶穀麥盈溢所貯

一切有部毗奈耶卷第一 第八卷 廿

貨如毗沙門天三於同類族賢女為妻歡樂而住彼於異時於佛法僧深生敬信歸依三寶受五學處所謂殺生偷盜欲邪行虛誑語及飲諸酒悉皆遠離由斯敬信日漸增廣便以正信捨家趣非家剃除鬚髮而披法服既出家已與諸親屬相離而住猶如昔日在家無異余時具壽獲障那便自思念豈容我於善說法律而為出家應證未證應得未得與諸親族相離而住我今宜應捨離親屬執持衣鉢遊行人間作是念已便捨親屬行詣他方逢世飢饉乞食難得父母於子尚不相濟況餘乞者時蘇障那作是念已今我親屬財食殷富宜應就彼竭闍錫迦村勸於僧田廣設供養若赴若粥或常施食或請暖食或八日十四日十五日食教諸親屬少興福業為饒益事時獲障那便捨他方執持衣鉢漸次遊行遂至竭闍錫迦村去斯不遠在阿蘭若住小房中時獲障那詣親屬所廣為諸人讚揚佛法僧寶令於大眾設諸供養而

一切有部毗奈耶卷第一 第九卷 廿



作饒益時獲障鄰在阿蘭若修杜多行但三衣糞掃衣常乞食次第七時諸親族於日中恒以上妙甘美飲食施衆僧已獲障鄰持鉢入村中以次而乞到其本舍既無所獲捨之而出獲障鄰母有事他行時有老婢遇見獲障鄰憶識容顏知無所獲疾疾而去老婢見已詣蘇障鄰母慶言大家知不長子蘇障鄰久離鄉邑今還故居乞求不獲疾疾而去時獲障鄰母作如是念豈非我子有憶耶情生不樂欲歸於俗不受沙門被沙門所苦著慚猒捨沙門行耶作是念已遂便出村屆獲障鄰所居之處告曰獲障鄰沒有憶耶情生不樂欲歸俗耶不受沙門被沙門所苦著慚猒捨沙門行耶獲障鄰我家中物及婢時財汝且聽說我自所有金銀之物積為大聚兩邊人坐卧不相見又汝父財物官印金錢數有百千萬億况復諸餘雜類財貨汝可還家隨情受樂仁為福施說是語已時蘇障鄰白母言我無憶惡情有樂歸還

一切有部藏經卷第一 第十誡 廿

改居亦無不受沙門被沙門所苦著慚猒捨時獲障鄰母聞是語已便自思念非我而堪令其返服應可別設餘計時母還舍告新婦曰今若月期時至可報我知新婦敬諾後於異時月期既三日言大家我今月期時至欲何所作姑曰時過洗浴冠衆花綵塗以名香著諸瓔珞嚴身之具咸令修盡如獲障鄰昔在室日情所樂事皆悉為之婦既聞已莊飾事周還至姑所自言大家如獲障鄰昔所受好我已為之沐浴嚴身著諸衣服若有所作今是其時時蘇障鄰母遂與新婦同車而去詣獲障鄰所住之處到已下車足步而進時獲障鄰在小房外遊步經行母既見已告曰獲障鄰如汝所云無有憶惡廣說如上今汝新婦身淨宜留種子無令財物沒入於官時獲障鄰先未制戒不見欲過觀少年婦情生染著欲火燒心告其母曰我三合耶母曰為留種子法應如是時獲障鄰牽故二手便向屏處脫去法服遂即再三行不淨行時有有

一切有部藏經卷第一 第二誡 廿

情至求勝行有解脫性趣向涅槃棄背生死三界五趣無心樂著以最後身從勝妙天來託婦胎若明慧女人有五種別智異於餘女一知男子有欲心二知時節三知從某人得娠四知是男五知是女若是男者依右脅住若是女者居在左脅時彼婦心生歡喜白其姑曰大家知不我已育娠居在右脅必定是男光顯宗胄其姑聞已心大慶喜作如是言我於昔來情希善子紹嗣家門真彼長成終懷報德常修福慧利益我等姑知是事便以新婦置在高樓隨時供給女醫調膳不令差舛身具瓔珞如天姝女遊歡喜園進止威儀常處牀座足不履地目不覩惡色耳不聽惡聲寢食往來曾無違忤經九月已便生子顏貌端嚴人所愛樂額廣眉長鼻高脣直頂圓若羞色美如金垂手過膝家皆敬仰經三七日歡會宗親其姑以兒告諸親曰此子今者欲作何名衆人議曰此兒因種子法而求得之可名種子其姑即便授八養母二

一切有部藏經卷第一 第三誡 廿

供乳哺二作維持二為澡浴二共歡戲給以乳酪酥精石蜜及餘上妙甘美飲食而用資養遠便長大如蓮出池既漸童年學誦技藝竿數書印取與質納皆盡其妙於八種術善能占相所謂相寶相衣相宅相木相鳥相馬相男相女彼於異時深生正信婦向三寶受五學處同父信心念念增長遂捨家趣非家求出離行於善說法律剽除驕賤而披法服獨處閑靜無放逸心策勤勇猛專念而住淨修梵行於現法中證悟圓滿破無明殺斷三界惑成阿羅漢三明六通具八解脫得如寶知我生已盡梵行已立所作已辦不受後有心無郵尋如手搗空刀割香塗愛憎不起觀金與土等無有異於諸名利無不棄捨釋梵諸天悉皆恭敬今時具壽種子證阿羅漢受解脫樂即說頌曰

聖行已圓滿 不墮於父財 我此取後身 盡除諸過患

時蘇障那作不淨行已世尊於無量百千聲聞苾芻大衆中而為說法所

一切有部毗奈耶卷第一 第十三誡 廿

謂離貪瞋癡心慧解脫時蘇障那亦在衆中聽佛說法既聞法已心懷慙慙深生追悔被客伏面默念無言即便歸房懷憂而住後於異時有諸苾芻巡觀房宇次至蘇障那所住之房共為談話見蘇障那懷愁而住時諸苾芻謂蘇障那曰汝於先時見有客至遙迎歡笑先唱喜來為持衣鉢及諸資具何故今時見我等來心懷慙慙伏面而住默然無語汝蘇障那為身病耶為心痛乎時蘇障那告言諸具壽我非身病而心有熾熱問言何故心有熾熱時蘇障那具說其事時諸苾芻聞其說已不喜不嫌從座而去還詣佛所到已礼佛雙足在一面坐以此因緣具白世尊世尊今時告諸苾芻曰此蘇障那於有漏中先作非法行不淨行今時世尊以此因緣集苾芻衆佛是知者見者知而問非知不問時而問非時不問有利而問無利不問破決隄防為除疑惑有利而問告蘇障那言汝實作斯不端最事耶白佛言實尔大德佛告蘇障那

一切有部毗奈耶卷第一 第十四誡 廿

汝非沙門非隨順行不清淨非威儀非出家人之所應作蘇障那云何汝今於我所說離貪瞋癡心慧解脫微妙法中而為出家作斯非法可惡之事癡人寧以男根置在猛害毒蛇口中不安女根中世尊以種種方便說歌行事呵責蘇障那已告諸苾芻曰由此因緣我觀十利為聲聞弟子於毗奈耶制其學處云何為十一攝取於僧故二令僧歡喜故三令僧樂住故四降伏破戒故五慚者得安故六不信令信故七信者增長故八斷現在有漏故九斷未來有漏故十令梵行得久住故顯揚正法廣利人天我今為諸聲聞弟子於毗奈耶制其學處應如是說

若復苾芻與諸苾芻同得學處不捨學處學處不自說作不淨行而交會法此苾芻亦得波羅市迦不應共住今時世尊為諸苾芻制斯學處已在羯闍鉢迦池竹林園中于時有一苾芻去斯不遠在阿蘭若小室中住於彼林中有一雌獼猴貪飲食故至苾

一切有部毗奈耶卷第一 第十五誡 廿



蓋所苾芻每以殘食與之便即共行
不淨行時有衆多苾芻巡遊觀看詣
阿蘭若至苾芻住處便共言談在一
面坐彼雌猴猶憶先惡事來至其所
目視苾芻以身相就苾芻見已著見
餘人即便遮却如是番三時雌猴
遂大瞋怒即以足爪爬毆苾芻頭面
及衣並皆破裂便向一邊鳴叫跳躑
時諸苾芻見是事已即便問曰具壽
此野猴何故初來先觀余面復以
身就汝見便遮如是番三瞋怒毆
身衣並破鳴叫跳躑時彼苾芻具以
事白諸苾芻聞告言具壽豈非世尊
遮諸苾芻行不淨行彼便報曰世尊
制戒但制人趣不遮傍生時諸苾芻
聞是語已不嫌不喜捨之而去并與
俱行往詣佛所礼佛足已在一面坐
便以上事具白世尊世尊告曰人趣
尚制况復傍生彼愚癡人犯波羅市
迦今時世尊以此因緣集苾芻衆知
而故問苾芻汝實作是不端嚴事
惡法耶白言實余世尊以種種呵責
廣說如前今時世尊告諸苾芻前是

一切有部藏律部卷第一 第二十八

創制今是隨制我今更於毗奈耶中
為諸苾芻制其學處應如是說
若復苾芻與諸苾芻同得學處不捨
學處學處不自說作不淨行兩交會
法乃至共傍生此苾芻亦得波羅市
迦不應共住
若復苾芻者謂獲陣鄰等苾芻有五
一名苾芻二自言苾芻三乞求苾
芻四破煩惱苾芻五白四羯磨圓具
苾芻言名字苾芻者如人立字名作
苾芻或世共許或是苾芻種族因此
喚為苾芻是謂名字苾芻云何自言
苾芻若人實非苾芻自言我是苾芻
或是賊住自稱苾芻是謂自言苾芻
云何乞求苾芻若諸俗人常為乞求
以自活命是名乞求苾芻云何破煩
惱苾芻若人能斷諸漏煩惱所有焦
熱諸苦異熟未來生老死能善了知
未除根本如斷多羅樹頭證不生法
是名破煩惱苾芻
云何白四羯磨圓具苾芻謂身無障
難作法圓滿是不應呵是名羯磨圓
具苾芻今此所言苾芻義者意取第

一切有部藏律部卷第一 第二十八

五言復者謂更有餘如是流類與諸
苾芻者謂共諸餘苾芻也同得學處
者若有先受圓具已經百歲所應學
事與新受者等無有異若新受圓具
所應學事與百歲圓具者事亦不殊
所謂尸羅學處持犯軌儀咸皆相似
而得故名同得學處
言不捨學處者齊何名為不捨學處
謂對癡狂心乱痛惱所纏諸癡人
而捨學處皆不名為捨若於獨靜處
作獨靜想或於獨靜處作不獨靜想
或於不獨靜處作獨靜想非捨學處
若中方人對邊方人作中方語捨不
成捨若解成捨若邊方人對中方人
作邊方語若中方人對中方人作邊
方語捨不成捨若解成捨若邊方人
對邊方人作中方語准上應知若對
睡眠入定非人天等變化傍生及諸
形像或時閑乱或不審告住本性人
皆不成捨言學處不說者應為四句
有捨學處非學處而說有學處而
說非捨學處有捨學處學處而說有
不捨學處非學處而說云何有捨學

一切有部藏律部卷第一 第二十八

處非學贏而說如有苾芻情懷願惡欲希還俗於沙門道無愛樂心為沙門所苦若慚厭背詣苾芻所作如是言具壽存念我某甲今捨學處是名捨學處或云我捨佛陀達摩僧伽或云我捨素咀羅毗奈耶摩訶里迦或云我捨鄔波跋耶阿遮利耶或云知我是俗人知我是求寂肩佉半擇迦行苾芻居殺父害母殺阿羅漢破和合僧惡心出佛身血是外道是越外道者賊住別住不共住人乃至說云我於仁等同法者同梵行者非是伴類是名捨學處非學贏而說云何有學贏而說非捨學處如有苾芻情懷願惡欲希還俗於沙門道無愛樂心為沙門所苦若慚厭背詣苾芻所作如是言具壽知不梵行難立靜處難居獨一難住難居林野受惡卧具我憶父母兄弟姊妹受業師主我欲學諸工巧及營農業於我家於情希紹繼若苾芻雖作如是種種追悔言辭然而不云我捨學處是名學贏而說非捨學處云何學贏而說亦捨學處

一切有部毗奈耶卷第一 第十七段 廿

如有苾芻情懷願惡廣說如前乃至作追悔言而云我捨學處廣說如前乃至同梵行者非是伴類是名學贏而說亦捨學處云何不捨學處非學贏而說謂除前相是謂學贏不說言作不淨行者即是煙欲言煙欲者謂兩相交會也法者此據非法名之為法身業行非名之為作乃至共傍生者謂狢猴等此者謂指其人苾芻者謂得苾芻性云何苾芻性謂受圓具云何圓具謂白四羯磨於所作事如法成就究竟滿足其違受人以圓滿心希求具戒要祈捨受情無患恨以言表白語業彰顯故名圓具波羅市迦者是極重罪極可厭惡是可嫌棄不可愛樂若苾芻亦繞犯時即非沙門非釋迦子失苾芻性承淫勝性墮落崩倒故他所勝不可授齋如截多羅樹頭更不復生不能鬱茂增長廣大故名波羅市迦言不共住者謂此犯人不得與諸苾芻而作共住若褻瀆毘若隨意事若單白白二白四羯磨若家有事應差

一切有部毗奈耶卷第一 第三十段 廿

十二種人此非差限若法若食不共受用是應擯棄由此名為不應共住此中犯相其事云何
極頌曰
於三處行姪 三瘡隔不隔壞不壞死活半擇迦去男見他睡行姪 或與酒藥等被這樂不樂犯不犯應知
若苾芻於其三處作不淨行行姪欲法得波羅市迦云何三處謂以生支入左小便道及口繞入即得波羅市迦若苾芻共三種人作不淨行得波羅市迦云何為三種男女半擇迦若苾芻作行姪意於活人女三瘡不壞於彼行姪以有隔入有隔以有隔入無隔以無隔入有隔以無隔入無隔入時得波羅市迦若苾芻於活人女三瘡損壞於彼行姪隔等同前入得瘡吐羅灰也若於死人女三瘡不壞隔等同前入得波羅市迦
若苾芻於死人女三瘡損壞隔等同前入得瘡吐羅灰也如於人女若活若死得罪重輕如是應知於非人女隣生女若活若死於三瘡門有損無

一切有部毗奈耶卷第一 第三十段 廿



及諸神祇處處求乞不隨所願然世有云由乞求故便獲子者此誠虛妄斯若是實人皆千子如轉輪王然由三事方有子息一者父母交會二者其母身淨應合有娠三者食香現前時彼賣主葉綠合會時有一天從勝妙天來託婦胎若聰慧女人有五別智廣如上說乃至娠在右脅喜自其夫遂置高樓隨時給侍如天嫁女月滿生子眾相具足其父以兒告諸親曰此兒今者欲作何名然中國法所誕子息若儀容端正人所樂觀者名孫陀羅難陀時彼諸親共相議曰今此孩子儀容端正眾人樂觀是賣主難陀之子應與此兒名孫陀羅難陀授八養母速便長大如蓮處也學綜四明藝窮八術其父亦時於春夏冬為造三殿并三花園三種嫁女謂上中下界妙樓觀奏諸伎樂是時難陀賣主常為計竿取與出納元時暫休時孫陀羅難陀白其父曰何苦計筭無費開時難陀報曰汝豈鎮處高樓終日歡戲而能辦家業耶而我必須

一切有部毗奈耶卷第一 第三十五 廿

知其家業孫陀羅難陀聞父語已即便自念父出此言欲警覺我跪而請曰若如是者我欲遊方經求產養願垂見許父曰汝今宜住我有珍財何勞遠覓孫陀羅難陀報曰父雖有財我必須去父便生念我今應可息彼水心即持鎖鑰遍開七庫示以金銀成與未成悉皆充滿告孫陀羅難陀曰既有如是財寶豐盈汝宜端拱受諸欲樂隨情持施修造福田欲遊他方此事應息答曰父以此物告示於我我若有子將何以示父即生念善哉此說我云之後須憂家業我今現在漸教其事且今持貨試往他方一則學作經求二則見我親識遍觀方邑情無所迷作是思已命其妻曰我身浸後此孫陀羅難陀當愛家業具以前事而告知之妻曰此成善事可隨意行父報子曰汝所發心誠亦佳矣我身止後汝知家務以前所陳咸皆勸誘今持財貨馳逐他方時商主難陀即便遣人搖鈴吹貝普告城邑所有居人及四方商客今者賣主孫

一切有部毗奈耶卷第一 第三十六 廿

陀羅難陀欲持貨物求利他方仁等若能相隨去者開河津濟不輸稅直所有行資並當豫辦時有五百賣人間此告令各備財貨待行期時父難陀廣設賓會普告行人既並食已而告之曰諸君當知此孫陀羅難陀是我之子我觀仁等心无別異君等賣人欲詣他方求財利者有其三患所謂博奕及以酒色若見孫陀羅難陀進修行者諸君等遮惡勸善能隨教者斯曰善哉若不用語仁等宜應易所將物持貨言歸并告孫陀羅難陀曰汝是我子所餘賣人與汝無別彼有善言宜當見用子便敬諾卜擇良辰即以車馬載負諸物與五百人共為伴侶俱尋遠路到室羅伐城於一店中安置貨物時室羅伐城有一姪女名曰賢首以街色為業顏貌奇挺人所樂見若得五百金錢者方與同宿時彼姪女聞有商人遠自嚶逝尼城彼有賣主名曰難陀其子孫陀羅難陀儀容端正人所樂觀與五百賣人遠來至此於我店上安其貨物停

一切有部毗奈耶卷第一 第三十七 廿



止而住即便生念我若不能惣奪彼財不復自名為賢首矣便命使女曰於某肆上有一賣主名孫陀羅難陀多財巨富汝持花鬘塗香上服至彼告言賣主此是大家賢首遣我持來耶仲微信復告之曰何意賣主寄居店肆宜可暫來女使即便持諸花鬘詣賣主所委悉告知時孫陀羅難陀聞已告使女曰汝且前行我著香鬘隨後而去時彼使女即前歸家報大家曰令我先來彼當尋至時彼賢首聞使語已情生喜悅即便掃灑庭宇布列名花以妙香薰盛設牀座張施帷幔以待賣人是時孫陀羅難陀即便洗沐著新淨衣具以花鬘而自嚴飾車馬僕從詣賢首舍是時賢首遙見彼來容貌威儀有非常類問使女曰此是賣主孫陀羅難陀耶使女荅言余賢首喜悅即說頌曰
不簡富貴貧無論良與賤但令美容貌便亂女人心
根本說一切有部毗奈耶卷第一

癸卯歲高麗國大藏都監奉勅雕造

一切有部毗奈耶卷第一 第二十八 廿

根本說一切有部毗奈耶卷第二 廿

三藏法師義淨奉制譯

不淨行學處第一之二

今時孫陀羅難陀即便下乘欲入其舍是時賢首疾下高樓出門迎接俯身相就引入舍中安置妙牀令止息已問其名字荅曰我字孫陀羅難陀賢首荅曰善哉立名與身相稱若仁父母不立此名我今為尔名作孫陀羅難陀時孫陀羅難陀曰汝字何等荅曰我字賢首報曰善哉名實相稱向使汝父母不立此名我今為尔立賢首名時孫陀羅難陀問賢首曰同居一宿當酬幾何女曰何意同彼凡人出言膚淺侍女告曰一夜止宿須五百金錢孫陀羅難陀報從者曰汝可每日常送五百金錢因即共彼歡娛而住凡貪欲之人難有厭足雖淹多日無棄捨心常使家人日送錢直諸人議曰我等賣主去已多時今何所在更不相見既承父囑應可尋求便問家人賣主何在家人報曰仁等

今日憶賣主耶初至即便往娼舍商賈人曰我等何吝捨而不問還歸之日必被父瞋今使往喚賣主聞已尋欲出門是時賢首執彼衣裾告言君今知不世有二人可行欲樂一願容美麗二威壯少年汝既兩兼且受欲樂年衰髮白可覓貲財既被留連報使者曰汝可前去我即隨行使者以緣具報賣客眾人集會佇望歸還久待不來俱行就彼既至門已報門人曰汝可入室報賣主知同侶眾人並居門首宜可暫出有所評論使人報已賣主欲出時彼賢首復執衣裾告言且住彼諸賣客情欲求我共來相愛不許淹停凡貪欲者日增繫縛時孫陀羅難陀即便報使曰仁等且去待我情足方可歸還使者以言出報賣客聞已共相告曰觀此情況無可奈何即共交易賣所來貨更取餘物盡命徒侶循路而歸送物之人於斯斷絕後時賢首遇見使人告言何意更不送物使者報曰賣主已歸何處求物女復問曰豈可孫陀羅難陀物亦

一切有部毗奈耶卷第二 第二十九 廿

並持歸報言亦去時彼賢首聞此語已便共孫陀羅難陀經二三宿告言我無田業及以工賣但藉諸人而為活命應須計日與我貲財若不介者汝宜速去客他後人孫陀羅難陀曰汝曾無有相顧戀心報言介可不聞世人有語

倡苾芻求財無財便棄捨猶如無果樹鳥棄不停留

時孫陀羅難陀聞此語已復報之曰若與汝財即隨男意如其物盡便生棄心汝曰汝豈不聞

若其天降雨山河並注流男子與貲財倡女隨情轉

孫陀羅難陀曰倡女為人不付信女報之曰

倡女至日暮觀他若己身夜闌心漸薄天明棄如草

孫陀羅難陀曰賢首有財男子汝即相親無物之人類能見棄女曰

若人有貲財倡女皆同愛如牛散睡草無財誰重觀

時孫陀羅難陀知其情異即便欲出

一切有部毗奈耶卷第二 第三法中

倡女思念此孫陀羅難陀願超絕更覓難求乃至諸餘男子未持物來宜可且留勿令即去便急牽衣不使其出報言仁之家內可不戲言耶我出戲言何因見恠彼性耽婬隨言即住時有男子持五百金錢來入其舍女知彼意即對孫陀羅難陀前共為非法孫陀羅難陀見已生念苦哉倡女何太無情對我目前便行鄙嫌尋即棄去不諳道路踰街衢失其所趣時有苾芻從城乞食而出彼既見已隨後而行時彼苾芻既至寺已安其食鉢并置水羅拊撒僧伽濯足洗手憑水觀至作粍茶羅取其落葉布地而食時孫陀羅難陀在前而立苾芻問曰汝豈能食我殘食耶彼便自念我若不食飢困當死報言願食即以鉢餘令食食訖問曰賢首汝從何來報言聖者我是嚧逝居城賣主難陀之子名孫陀羅難陀我從本舍多持財物遠共徒侶來此經求比為欲情在婬女舍所有財貨皆並喪云唯獨一身受茲艱苦苾芻報曰若如是

一切有部毗奈耶卷第二 第四法中

者何不出家時孫陀羅難陀念曰我若歸鄉被人所笑不如今者隨處安身即報苾芻我求出家時彼苾芻如法如律便與出家并受圓具於三三教行法已報言賢首汝可不聞處不養處室羅伐城極甚寬廣隨應行處乞食自資既受教已於日初分執持衣鉢入城乞食時彼婬女心生退悔我所為非彼孫陀羅難陀願貌端嚴威年少壯不可多得我為錢財便見駭遣報使女曰汝若重見孫陀羅難陀宜請入來時孫陀羅難陀先不諳知乞食之處巡行至彼婬女之家使女遙見即疾走歸報大家曰孫陀羅難陀今在門外報言喚入使女曰今已出家報云縱使出家亦宜喚入便引令進賢首見已推背告曰聖者何故棄我出家孫陀羅難陀報曰汝薄情懷貪覓財物如何對我為非禮乎既被欺輕寧不捨俗報言聖者女人體多過失我之一罪幸可相容我身及財皆屬尊者幸當共我同昔交歡孫陀羅難陀曰汝無智物先有錢

一切有部毗奈耶卷第二 第五法中



財已破沒費今時更欲破我戒耶女曰若在內搭於外泄或在外搭於內泄者未成破戒孫陀羅難陀聞已生念豈非苾芻行乞食時作如是事若不介者此何得知時孫陀羅難陀為人好色便置衣鉢隨語行非既暢欲情一面而住時彼姪女即威種種上妙飲食滿鉢授與報言聖者若有所須當數來此便持鉢食還向寺中今時世尊於大眾中為說法要所謂離貪瞋癡心慧解脫孫陀羅難陀聞說法時心懷愁悶極生追悔起惡作心默念無言被容伏面憂思而住形客姿悴無有威光如刈生草曝之於日諸苾芻問曰具壽孫陀羅難陀汝為身病為心病乎彼既著慚然無報時有醫人來過其所諸苾芻告曰賢首暫為觀察此少苾芻有何疾恙醫為診已報諸人曰此具壽身無所苦心有焦熱苾芻問曰如何心熱報言聖者我之醫人但療身病不治於心仁等苾芻解除心病便捨而去時諸苾芻問言具壽汝無父母宗親但唯我等

一切有部藏部律部第二 第六卷 廿

同梵行者是汝親識汝可實陳我為瞻養即以鄙事告之諸苾芻曰雖謂春花逐遭霜雹汝始圖具瘡痍便生時諸苾芻聞其語已不喜不瞋捨之而去行詣佛所禮足已在一面坐具以白佛佛言此惡癡人犯波羅市迦若苾芻作行欲心為受樂意以己生支置小便道內搭外泄外搭內泄得波羅市迦

今時佛在室羅伐城給孤獨園時此城中有一長者初始娶婦即命終第二第三乃至第七志皆命過時人並皆嘆為妨婦因為名目茲已後更欲娶妻人皆不與作如是說我今豈可令女死耶我不能與復求寡女欲娶為妻彼便告曰我不惜命入汝舍乎時彼長者求妻不得自知家事後於異時有一知友來過其宅問曰仁何所為報曰我營家事告曰何意汝今自知家務報言已娶七婦皆並喪云友曰何不求餘妻言曰日雖求人不見與皆云我豈不惜女耶若如是者何不更求諸餘寡女長者具答

一切有部藏部律部第二 第七卷 廿

如前友曰去斯不遠有老姪女君何不求報云今我家室豈作姪坊友曰彼女久來已捨惡法試往求之便到彼宅問言比得安不彼報曰善來欲何所覓答曰故來相求汝何所屬答言與我衣食我使屬彼報言昔汝為過能懷改不答曰我豈不見諸餘丈夫而我本心久離惡法報言若能介者與我同居給尔衣食所有家務咸代我知即隨至舍所有家業並皆分付告曰此是汝宅汝所與者我當受用婦知家事衣食豐盈未久之間身極肥盛於彼門前有諸倡女相隨欲往逝多林中問諸女曰汝欲何去報云往逝多林觀看功德告云且住待我莊飾與汝俱行整服未周諸女便過出門不見急步相尋諸女前行皆已入寺然此寺中有一苾芻開戶而睡衣裳撩亂生支遂起時諸姪女巡房觀看既見是事眾皆大笑而出時老姪女見諸女人行笑而出告曰汝何所笑豈不聞予若寺中笑者得齋齒報時彼諸女默然捨去老女念曰

一切有部藏部律部第二 第八卷 廿



豈非諸女於此寺中巡行觀看或見
難聞或觀猊猊由是諠笑時彼老女
入寺巡看於一房內見有苾芻開戶
而睡身體露現姪情既起遂便於上
而作非法苾芻睡者不自覺知時彼
女人便作是念我等姪女解六十四
能此出家人解六十五不作言語得
受欲樂時彼老女既暢姪情遂便以
手覺彼苾芻報言聖者我之次第在
某坊中若有所須宜當見就苾芻報
曰汝愚癡人汗僧住處今我無心受
斯惡事誰能更復向汝家中女聞默
去時彼苾芻情生惡作豈非我犯他
勝罪耶白諸苾芻苾芻白佛佛告苾
芻汝有受樂心不白言我時睡重無
受樂心佛告諸苾芻此人無犯由无
樂心然我為諸苾芻近村坊住者制
其行法汝等諦聽若諸苾芻近村
坊晝日睡者應居閉門或令苾芻守
護或以下裙急相絞繫若不依者皆
著牀時得惡作罪

一切有部毗奈耶卷第二 第九誡

彼數來札世尊足及諸耆老尊宿苾
芻時蘭若苾芻身患瘡亦有少年苾
芻先與相識白言上座身患瘡亦何
不問醫而為治療上座報曰未來有
法必定將至世間之人共不受樂共所嫌
賤人皆不免所謂是死此之瘡亦及
我已身相隨而去何須療治少年曰
如世尊說持戒之人若久存者有多
福業而得增長福業增故久受天樂
應問醫人時彼上座便就醫處醫人
問曰聖者身有瘡疥答曰今告曰何
不療治答曰為此故來可示方藥告
曰聖者食好食已取芥子油遍塗其
身於日中坐必當得損苾芻曰施我
辛油醫曰聖者我說其方不以藥施
若來問者咸皆與藥我之衣食文見
貧窮然有某甲長者患此瘡疥我為
煎油從彼乞求必應可得苾芻曰彼
不肯與報言聖者彼人信敬必當相
授苾芻曰賢首願勿無病即是汝施
便捨而去即往詣彼長者之宅彼人
見已問言聖者身多瘡疥答言如是
可用辛油塗身於日中坐苾芻報曰

一切有部毗奈耶卷第二 第十誡

為此故來聞仁有油幸能見遺當招
福果長者曰共立要契若其今日受
我供養我當施與苾芻住食即以好食
而供奉之食了便以小鉢盛滿辛油
持與苾芻苾芻報言願得無病捨之
而去至阿蘭若著屣弊衣油遍塗身
於日中坐身有樂觸倚卧而睡於其
根內有虱宿微如蟲習彼生支因斯
遂起衣裳撩亂時有肥壯婦女為覓
牛糞來至其傍見彼形露便起欲心
即於其上行非法事苾芻睡覺身體
羸劣不能遮止女暢欲情報言聖者
我住此處仁有所須當行詣彼苾芻
報曰汝愚癡人汗阿蘭若我現無心
受此惡法況能重更過舍宅耶女人
默而捨去苾芻情生惡作豈非我犯
他勝罪耶具以其事白諸苾芻諸苾
芻白佛佛告苾芻汝有受樂心不白
佛言我已離欲無受樂心佛告諸苾
芻此人無犯無欲心故然我為諸苾
芻住阿蘭若處者制其行法汝等應
聽若在阿蘭若處於舍四邊應以柵
離棘刺編障若欲睡時應令苾芻守

一切有部毗奈耶卷第二 第十一誡



護或以裙裾急相絞繫若不依者得惡作罪

時諸苾芻咸皆有疑請世尊曰阿蘭若苾芻坐得四禪離於欲染何故生支尚起世尊告曰有五因緣未離欲人生支得起謂大小便通風勢所持盟指微伽至所鬻欲染現前是名為五有四因緣離欲人生支起謂大小便通風勢所持為至所鬻是名為四時彼苾芻被盟指微伽至所鬻而生支起非欲染也時諸苾芻又復有疑請問世尊唯願大慈為斷疑惑何意蘇陣那羯蘭鐸迦子苾芻於無過失无瘡疤時寂初生疤作不淨行世尊告曰汝諸苾芻非但今日寂初生疤乃往過去無瘡疤時亦寂初生疤汝等應聽然此世界將壞之時多諸有情生光音天妙色意成支體圓滿諸根無缺身有光明騰空自在喜樂為食長壽而住今時大地為一海水汝諸苾芻此大海水由風鼓激和合一類猶如熟乳既其冷已有凝結生上有地味色香美味悉皆具足色若生

一切有部毗奈耶卷第二 第二十二法廿

酥味甜如蜜汝諸苾芻此界成時一類有情福命俱盡從光音天歿而未於此人同分中妙色意成諸根具足身有光耀乘坐空位來以喜樂為食長壽而住今時此世界中無有日月星辰度數晝夜剎那臘婆須臾半月一月半年一年男女之別但相暖言墻墻墻是時眾內有一有情稟性耽嗜忽以指端嘗彼地味隨嘗之時情生愛著隨愛著故段食是資今時方名初受段食諸餘有情見此食時即便相學食其地味時諸有情既食地味身漸堅重光明隱沒今時世界皆悉黑闇汝諸苾芻世界闇時法亦即有日月星辰度數晝夜剎那臘婆須臾年月等別彼諸有情食此地味長壽而住若少食者身有光明若多食者身無光彩由食多少形有勝劣由勝劣故更互相輕我光色勝汝容顏劣由相慢故惡法便生由惡生故地味便浸汝諸苾芻地味浸故時彼有情共集一處憂愁而住皆患唱言奇哉美味奇哉美味猶若今人曾食好

一切有部毗奈耶卷第二 第二十三法廿

食後退念時作如是語奇哉美味奇哉美味彼諸有情地味浸時咸作是說奇哉美味然而不知此語所詮何義汝諸苾芻地味浸已時諸有情由福力故有地餅出色香味具色如少女花味如新熟蜜食此地餅長壽而住若少食者身有光明因相輕慢如前廣說乃至地餅浸故時諸有情共集一處憂愁而住作如是語苦哉苦哉由如有人先遭苦事重憶念時作如是語苦哉苦哉我昔曾遭如是惡事是諸有情地餅浸時亦復如是然而不知此言所詮何義汝諸苾芻地餅浸已時諸有情由福力故有林藤出色香味具色如薤菜花味如新熟蜜食此林藤長壽而住若少食者身有光明因相輕慢廣如前說乃至林藤浸故時諸有情共集一處憂愁而住作如是語汝離我前汝離我前由如有人極相瞋恨不許當前廣說如上汝諸苾芻林藤浸已時諸有情由福力故有妙香稻不種自生無糠穢長四指旦暮收獲苗則隨生至暮旦時

一切有部毗奈耶卷第二 第二十四法廿

米便成熟雖復數取而無異狀以此
充食長壽而住時彼有情由段食故
渾穢在身為欲蠲除便生二道由斯
遂有男女根生更相染著生染著故
遂相親近因造非法諸餘有情見此
事時競以糞掃凡石而棄擲之作如
是語汝是可惡有情作此非法咄汝
今何故汙辱有情始從一宿乃至七
宿不共同居撥於眾外猶如今日初
為嫁娶皆以香花雜物而散擲之願
言常得安樂汝諸苾芻昔時非法今
將為法昔時非律今將為律昔所嫌
賤今為美妙由彼時人駭擲出故樂
行惡法遂共聚集造立房舍而作非
法此為最初營立家宅便有室名
生時有情不行惡法降伏諸根名
勝人也佛告諸苾芻汝等勿生異念
住時劫初創造非法穢汙有情生瘡
疱者今藕障那是我教中先無瘡
疱最初造惡行不淨行汙清淨眾是
故諸苾芻應當降伏染瞋癡心勿為
放逸

不與取學處第二之一

一切有部毗奈耶卷第二 三十五 誡

佛在王舍城鵝闍錫迦池竹林園中
時有但居迦苾芻先是陶師之子於
阿蘭若草室中住時但居迦入王舍
城於可行處次第乞食時此城中牧
牛羊人取薪草入正道活命邪道活
命人苾芻去後打破其室取草木去
但居迦還見其室破悉將草木即便
更造新室如是再三被諸人等同前
打破但居迦即便思惟嗚呼甚苦嗚
呼極苦我纔乞食便被諸人打破我
室如是至三我自善解祖父已來工
巧之事何不造作全成凡室但居迦
即自掘土以麻垂水和作熟泥先造
室基次起牆壁安中棚覆上蓋衣笊
竿為牙牀牀牀方座牀牀牀牀牀
乾已將諸彩色而圖畫之用乾牀牛
糞并草燒之極善成熟其色紅赤如
金錢花時但居迦苾芻作如是念我
室善成形色可愛宜可自為歡慶時
但居迦於隨近苾芻囑為看室執持
衣鉢行化人間世尊常法乃至未入
涅槃已來持身安隱為化有情故時
時往觀地獄傍生餓鬼天處人間蘭

一切有部毗奈耶卷第二 三十七 誡

若屍林山海及餘住處余時世尊欲
按行住處告具壽阿難陀曰汝去告
諸苾芻如來今欲往觀住處汝等苾
芻有樂隨行者宜可持衣時阿難陀
奉世尊教即往林樹若寺內若外房
及經行處告諸苾芻曰今者世尊欲
觀住處若仁等有樂隨行者宜可持
衣時諸苾芻聞是語已各各持衣詣
世尊所余時世尊與諸苾芻隨次巡
行往但居迦住處世尊至已見但居
迦房舍以凡成其色紅赤如金錢花
見已告諸苾芻曰此是誰房諸苾芻
白佛言是但居迦苾芻陶師之子自
造此室佛告諸苾芻可破此室由此
緣故諸外道等謗謔於我言沙門瞞
惑摩現在住世而聲聞眾中有作如
是有漏法者何況滅度時諸苾芻奉
世尊教打破其室余時世尊見破室
已遂捨之而去時但居迦苾芻來見
室破即告隨近苾芻曰誰破我室諸
苾芻曰是大師教令苾芻打破但居
迦曰法主世尊勅令破者斯為善破
余時王舍城中有掌木大匠是但居

一切有部毗奈耶卷第二 三十七 誡